

Dem Edlen/ Vösten vnd  
Wolweisen

Juncker Wilhelm Schueden/ des  
Raths / auch verordnetem Zeug- vnd  
Bawhern in der löblichen des H. Röm.  
Reichs Statt Vlm:

Dann auch dem Ehrvesten  
vnd Hochgelehrten

Herrn Johann Kemmelin/ Philos. & Medici-  
nae Doctori daselbsten: Meinen insonders Groß-  
günstigen Junckhern vnd Herrn.

**D**ier/ Bester vnd Wolweiser / auch Ehrveste/  
Hochgelehrter / E. B. G. vnd H. seind meine ganz willige  
vnd beflissene Dienst eussersten vermögens jederzeit junior:  
Großgünstige Herrn: Das nicht einer/ sondern mancher/  
ley Studien seyen/ vnd einem das/ dem andern ein anders gefall vnd be-  
liebe/ bezeugt die tägliche Erfahrung.

Dann etliche haben lust vnd lieb zum Feld- vnd Ackerbau: etliche  
das Gehülz vnd Wildnussen durch zu straffen/ also ihr zeit vnd weil mit  
jaagen/ paiseu vnd hezen zuzubringen: vil seind geneigt zum Krieg vnd  
allem dem/ was zum Kriegswesen gehöret: andere vertrauen sich vmb  
zeitlichen Genies vnd Ruhens willen dem Wasser / vnd vngestümmen  
Meer/ ihre Kauffmanschafften darauff fortzubringen / vnd zeitliche  
Reichthumb zu erwerben: theils begeben sich auff das Studium Iuris,  
vnd erkandnuß des Rechts: etliche haben lust zur Arzney / sonder-  
lich in erforschung der simplicien vnd Kräuter krafft/ Natur vnd Wirt-  
ckung: widerumb suchen etliche jr Kurzwel im Musicirn, tanzen/ sin-  
gen vnd sprinzen: vil haben ihr delectation vnd belustigung inn erfor-  
schung des Himmelslauff/ vnd erfingung mancherley schöner vnd nutz-  
licher Astronomischer vnd Geometrischer Instrumenten: summa / wie der

A ij

Poet